

VED EIN KRISESITUASJON

Kontakt politi, brannvesen og/eller ambulanse/lege ved behov.

Viss du vert råka av sjukdom, ulukker, vald, opprør, naturkatastrofar eller liknande, ta kontakt med nærmeste utanriksstasjon (landsider.no).

Ved unntakstilstand skal du følge råd og pålegg frå lokale styremakter, og råd på den norske ambassaden si nettside. Ha kontakt med vertsuniversitetet.

Dersom ein farleg situasjon skulle oppstå i landet, ta kontakt med familien din heime for å gje beskjed om at du er trygg. Dette gjeld også dersom du ikkje er i nærleik av hendinga. Familien din har ikkje alltid oversikt over dei geografiske tilhøva.

Dersom du treng å kontakte UiB i ein kriesituasjon, kan du ringe UiB sitt naudnummer +47 55 58 80 81.

Ved større hendingar, til dømes naturkatastrofar og opprør, vil du verte kontakta av UiB. Det er då viktig at du svarer på denne førespurnaden.

**TA MEG MED
PÅ UTVEKSLING!**



NYTTIGE INFORMASJONSKJELDER OG KONTAKTINFORMASJON

Norske utanriksstasjonar og reiseråd frå
Utanriksdepartementet

landsider.no


UiBs nettsider om utveksling
uib.no/utveksling

UiBs naudnummer: + 47 55 58 80 81

Association of Norwegian Students Abroad

ansa.no

Den norske kyrkja i utlandet
sjomannskirken.no



UNIVERSITETET I BERGEN



FØR OPPHALDET

Studierelatert hugseliste

- Betale **semesteravgift** og registrere deg ved UiB for den perioden du er ute.
- Søke om **førehandsgodkjenning** av faga du skal ta ute.
- Søke om lån og stipend fra **Lånekassen**.

Reiserelatert hugseliste

- Søke om visum dersom du treng det.
- Passet** må som regel vere gyldig i minst seks månader etter retur til Noreg.
- Forsikring: på **helsenorge.no** kan du finne ut om du har rett til stønad til helsetenester gjennom folketrygda i det landet du skal opphalde deg i.

NB! Folketrygda gjev deg ikkje ei fullgod forsikring. Mellom anna kan du miste retten til stønad dersom du tek deg ein deltidjobb under opphaldet. Vi rår deg difor på det sterkeste å teikne ei forsikring for studentar i utlandet.

- Ta naudsynte vaksinar: I enkelte land kan du risikere å bli nekta innreise eller bli «**tvangsvaksinert**» på flyplassen dersom du ikkje kan dokumentere at du har tatt dei pålagte vaksinane. Folkehelseinstituttet har informasjon om kva vaksinar du treng, **fhi.no**
- Ta omsyn til **helsetilstanden** din når du vel studieland. Ver klar over at du ikkje er garantert tilgang til helsetenester og medisinar på same måte som i Noreg. Er du avhengig av reseptpålagte medisinar, kan det vere ein fordel å ta med seg ei stadfesting på engelsk frå legen din om at dette er medisinar du treng, fordi narkotikalovgivinga i enkelte land kan krevje dette.

DETTE MÅ DU TENKE OVER NÅR DU ER UTE

Lovar og reglar

Sett deg inn i kva lovvar og reglar som gjeld i landet du skal bu i.

Skaff deg informasjon om **lokale tilhøve**, til dømes om anbefalte **forholdsreglar** og område ein bør unngå. Vertsuniversitet kan ofte gje deg gode råd.

Mange land har svært strenge reglar for **narkotikasmugling**. Pass på at du ikkje ber på eller transporterer «**pakkar**» for nokon. Ver klar over at straffen for å oppbevare sjølv små mengder narkotika kan vere strenge.

Hugs at nokre land har ekstra strenge reglar for kjøp av **alkohol**, drukking på offentleg stad, promillekjøring og regelrett fyll. Mange stader er synleg rusa personar eit uvanleg syn.

Ikkje ta **arbeid** viss visumet ditt ikkje tillet det, og hald deg til **utløpsdatoen** for visumet. Brot på **visumreglane** kan føre til bøter, fengselsstraff, utsending og framtidig innreisenekkt.

I tillegg til dei formelle lovene finst det alltid mange **uskrivne lover og skikkjar**. Ei god guidebok kan hjelpe deg til å finne ut meir om dei lokale «**dos and dont's**».

Trafikktryggleik

Trafikkulturen kan vere veldig forskjellig frå den du er van med. Ver omsynsfull og forsiktig, både som hard og mjuk trafikant.

Før du køyrrer bil, må du undersøke kva trafikkreglar som gjeld og om du treng eit lokalt eller **internasjonalt førarkort** og ekstra **forsikring**.

Sjølv om det kan vere vanleg å køyre bil utan setebelte og med **promille**, eller moped utan hjelm, er ikkje dette noko du treng å gjøre.

Situasjonen i landet og generelle råd om tryggleik

Hald deg oppdatert om den **politiske situasjonen** i landet gjennom nyhetene.

Ved ev. **unntakstilstand** vil råd til innbyggjarane ofte bli gjevne gjennom media. Følg også råd om tryggleik på den norske ambassaden si nettside.

Ved **naturkatastrofar** eller alvorlege **sjukdomsutbrot** bør du følgje dei råda som blir gjevne av landet sine styresmakter.

I periodar kan norske eller lokale styresmakter **rå deg frå** å reise til enkelte område,

UNDER OPPHALDET

Praktisk hugseliste

- Registrere utanlandsk adresse og telefonnummer på studentweb, i tillegg til informasjon om nærmeste pårørande.
- Registrere deg hjå Utanriksdepartementet på **reiseregistrering.no**
- Halde familien heime orientert om kontaktinformasjonen din og om heimreisedato.
- Informere UiB i fall utanlandsopphaldet vert avbrote eller forlenga.
- Sjekke **UiB-epost** jamleg.

MOT SLUTTEN AV/ETTER OPPHALDET

- Levere rapport frå opphaldet på **uib.no/studentrapport**
- Søke om endeleg godkjenning og innpassing av delstudiet

anten på grunn av naturmessige eller politiske tilhøve. Følg slike råd!

Ta nødvendige forholdsreglar dersom det er varsle **politiske demonstrasjoner** og **massemønstringar**.

Gå aldri med meir **pengar** og **verdisaker** på deg enn naudsynt. **Ikkje gå åleine** i område der du ikkje veit om det er trygt.

Ver merksam på at ting du gjer for å vere venleg nokre stadar kan oppfattast annleis enn intensjonen.

I nokre land er det kulturelt forventa å kle seg meir **konservativt** enn heime.

Ver bevisst på inntak av **alkohol**.

Bruk **sunn fornuft** og opptre **ansvarleg**.

Trivsel

Det kan hende at opplevinga ute ikkje med ein gong stemmer med forventinga ein hadde på førehand. Det er naturleg å ha nedturar og heimlengt og kjenne på at ein ikkje heilt mestrar den nye situasjonen. Men dersom desse kjenslene vert uoverkommelege, kan det vere lurt å oppsøke hjelp - dei fleste lærestadane har tilbod om psykologisk rådgjeving for studentar.